



"Sve što budem imao od dobra, ja ću vam podijeliti, i ništa od vas neću sakriti, ali ko traži i želi čednost, Allah će mu je podariti, a ko traži i želi neovisnost, Allah će ga učiniti neovisnim (bogatim). Ko god se puno suzdržava i trpi, Allah će mu pomoći da bude strpljiv; nije nikome dat bolji i značajniji dar od sabura."

Ebu Se'id el-Hudri, radijallahu 'anhu, prenosi da je jedna grupa ensarija, tražila od Allahovog Poslanika, sallallahu 'alejhi ve selleme, milostinju, pa im je on dao, zatim su ponovo tražili, a on im opet dao što su tražili, dok im nije sve podijelio što je imao, a zatim im rekao: "Sve što budem imao od dobra, ja ću vam podijeliti, i ništa od vas neću sakriti, ali ko se trudi da ne traži od ljudi - Allah će mu to podariti. Ko se trudi postići neovisnost - Allah će ga učiniti neovisnim (bogatim). Ko se trudi da bude strpljiv - Allah će mu pomoći da bude strpljiv. Nikome nije dat bolji i značajniji dar od sabura."

[Vjerodostojan] [Muttefekun alejh]

Neke ensarije su tražile od Allahovog Poslanika, sallallahu alejhi ve sellem, pa im je on davao dok nije potrošio ono što je imao. Kazao im je da on kod sebe neće ostaviti ništa, ali da kod njega nema ništa više, te ih je podsticao na netraženje od ljudi, neovisnost i strpljivost. Obavijestio ih je da će onome ko nastoji da bude neovisan od ljudi, Allah dati da bude neovisan i bogat, a stvarno bogatstvo je bogatstvo srca. Kada čovjek teži da bude neovisan od ljudi i kada od njih ne traži ništa, Allah će ga učiniti neovisnim, ponosnim i daleko od prošnja i traženja. Onoga ko bude čedan i ko se udalji od žena koje mu je Allah zabranio, On će zaštititi i njega i njegovu porodicu. Onome ko se trudi da bude strpljiv, Allah će dati strpljenje. Najbolja stvar koju Allah daje čovjeku jeste strpljenje.

النجاة الخيرية
ALNAJAT CHARITY

